

S'git Ougenlicke me möcht dy ganzi Wält umarme,
es anders Mau wett me sich am liebschte tarne,
me weis nid rächt wär me eigentlech isch,
was eim würtlech wichtig isch.



Was möcht me gärn si?
E Blueme
zum aastuune,
im Garteparadies,
wo's zuegeit ganz lys.

Oder e Vogel uf em Ascht,
wo es Insekt erhascht,
oder möcht me eifach derwo flüge,
damit me sich uf ke Art u
Wys müesst verbiege.

I gloube,
am Beschte isch's
me blibt wär me isch!